



10. oktober 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit imaatigut kabelip piginnaasai pillugit:**

- 1. Imaatigut kabelip piginnaasai piviusut procentinngorlugit qanoq annertutigippat?**
- 2. Piginnaasat procentinngorlugit qanoq annertusitigissagaluarpavannamut kimmut pilersaarutit allineqartuuppata?**
- 3. Imaatigut kabelip piginnaasaanit procentit qassit aningaasaliisartunut nuna allamiunut nioqqutigisinnaavagut?**
- 4. Inuiaqatigiinnut aningaasatigut isertitassatigullu periarfissat piviusut suuppat imaatigut kabelimut Tele Posti piginnittuujunnaarsinneqartuugaluarpavannamut?**
- 5. Inuiaqatigiit/ Tele Post imaatigut kabelip piginnaasaanik inuussutissarsiortunut tunisinerminni qanoq iluanaaruteqarnikuuppat?**
- 6. Naalakkersuisut ingerlatseqatigiiffissuarnit angisuunit soorlu Facebookimit, Microsoftimit, Googlemit imaluunniit assigusunit attavigineqarnikuuppat ingerlatseqatigiiffissuarnit taakkunannga kissaateqarlutik Kalaallit Nunaanni serverparkinik pilersitsiniarlutik aamma taamaassimappat taava suna pissutaava saaffiginnissutit annerusumik kinguneqarsimannginnerannut?**

(Demokraatit Inatsisartuni gruppiat)

### **Tunngavilersuut**

IT -p iluani teknologikut ineriartorneq ukiut kingulliit ingerlanerini inuiaqatigiit aningaasarsiorfigisinnaasaat eqqarsaatigalugit periarfissanik pilersitsisimavoq.

Decemberimi 2007-mi Kalaallit Nunaanni, Alcatelip isumaqatigiissuteqarfigineratigut, nuna tamakkerlugu periarfissatsialassuarmut aningaasaliivugut - imaatigut kabelimut. Taamani tunngavilersuutaavoq "Kalaallit Nunaata nunarsuarmi aallaavittut inissinneqarnissaa". IT-p iluani periarfissat pisuussutitut uumassusilinnut pinngitsuuisinnaanginnitsinnut taartissatut ilisimagilereersimavagut. Ajoraluartumilli periarfissat tamakkiisumik sulii atunngilagut. Naalagaaffittut sulii annertuumik aalisakkat isumalluutigaagut.

Nunani killerni eqqaamiutsinni Islandimi allarluinnaavoq. Tassani aalisarnikkut isertitat appariarnikuupput avammut tunisassiat 40%-nik taamaallaat annertussuseqalersimallutik, assigalugu taamaallaat BNP-p 12 %-ia.

Sunaana Islandip torrallassimagaa? Islandip imaatigut kabeli/imaatigut kabeliutitik inuiaqatigiit aningaasarsiornerannut iluaqutissannagortinnikuuaat nunarsuaq tamakkerlugu paasissutissanik katersuivittaartormikkut. Nunarsuaq tamakkerlugu suliffissuaqarfik BMW Islandimi aningaasaliinikuuvoq



pissutigalugu nukissiornermut aningaasartuutimik 80 %-ii sipaarsinnaagamikkit nukissiuutit Qorsuit atornerisigut soorlu engup nukinga atorlugu nukissiuutit aamma geothermal.

Paassutissanik katersiviit nukippassuit atortarpaat maskiinat nillartaartikkumallugit, ingerlajuartuummata. Kalaallit Nunaallu issittuummat imaatigullu kabeleqarluta kiisalu engup nukinga atorlugu pilersitamik innaallagissamik neqerooruteqarsinnaagatta, taava immitsinnut aperisariaqarpugut, sooq periarfissaq tamanna tamakkiisumik atorluanginneripput?

Maannakkut ataatsimiinnitsinni Naalackersuisut ilungersorput aningaasanut inatsit sinneqartooruteqaqqatartoq akueritinniarlugu. Naak siuariartorneq annertugaluartoq. Tamatuma saniatigut Naalackersuisut akileraarutinik nutaanik arlalinnik siunnersuuteqarput. Taamatut politikkimik ingerlatsineq arlaannattaluunniit pisuunnguutiginaangiilaa. Paarlattuanimmi pisoqassaaq.

Inuiaqatigiinni siuariartornissamut amerlanerusunillu isertitaqartalernissamut aqquataavoq aningaasaliissuteqarnissaq inuussutissarsiortut namminersortut aqutigalugit. Demokratini isumaqarpugut, imaatigut kabelip isertitsissutiginiisaanut ullumimut naleqqiullugu suli periarfissarissaarnerugaluartoq. Periarfissarlu tamanna atorluartariaqarparput.

Apeqqutit akeqquakka ullut suliffiit naliginnaasut qulit iluanni.